



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

X. Charondae,

urn:nbn:de:hbz:466:1-16260

& magna demum disciplinarum merce ditatus Philosophiam suam instruxit. Quam multa autem Mosaica, inter Judæos & vicinas gentes conquisita, illuc contulerit, optimus teftis Hermippus, qui Judæorum dogmata ac leges Pythagoram in suam transfigurasse Philosophiam scripsit; ut ex Josepho, & Origene dicimus. Teftis & Aristobulus Judeus apud Clementinum, & Eusebium. Horum ille colligit aliquot Pythagoræ dogmata, & Mosaicis consentire ostendit; velut illud è Decalogo, quo sculpsibus interdicitur, expressissime Pythagoram ostendit, cum vertuit imaginem Dei annulo inscribi. Mose etiam secutos esse docet Pythagoreos, cum hominem ad Dei imaginem conditum esse definierunt. Quod eorum dogma ex testimonio Iamblichii, & laudati ab Iamblichio Archytæ Tarentini facile colligitur. Multa ad hæc similia congerit, quæ prætero. Eodem pertinent alia quoque jam observata à Grotio: cujusmodi est ea lex, qua morticinorum prohibetur effusus, quamque inter precepta sua Pythagoras retulit. Cum nudis pedibus idem sacra fieri iussit, nonne mandatum Moysi de rubo ardentis editum videtur in mente habuisse, quemadmodum ab Ambrosio notatum est?

Integrum quoque preceptum Mosis repræsentavit Pythagoras, quo ne frugiferæ succidenter arbores interdixit. Ex historia Balaami & Asinae prodidit Pythagoricum illud, non transeundum illac, ubi asinus procubuerit. Additum Timaeum Locrum Pythagoreum, & Platonem in libro, quem Timæi hujus nomine inscripsit, de mundi opificio pleraque Mosis doctrinæ confona differere. Additæ & veri persimilem conjecturam Seldeni, & Wendelini, qua mirificam illam Pythagoræ *περὶ τοῦ οὐρανοῦ* ipsum esse suscipiantur Dei nomen *περὶ τοῦ οὐρανοῦ*, τὸν, atque ejus notitiam à Daniele iam sene Pythagoram, cum in Babyloniam degereret, accepisse. Danieli adjungi poterat & Ezechiel, ut ostendam infra. Notabile hoc habet Plutarchus, Pythagoram, & Platonem assiverasse mundum à Deo esse factum, & suapte natura corruptioni esse obnoxium. Idem alibi pleraque Pythagoræ dogmata, Numæ Pompilii dogmatis consentanea profert, quæ ex Mosaicis legibus expressa esse manifestum est. Velut cum Deum ne-

que corrumpi posse, neque sensu percepisti, sed intelligi solum uterque statuit: & cum vertuit Numa Deum ad hominis, aut animalis cujuscunque formam exprimi, unde nec centum ac septuaginta prioribus Romani regni annis illa Dei effigies Romæ extitit: & cum farinam ac vinum sacrificiis uterque adhibuit. Additæ & referre Malchum, sive Porphyrium, certas quasdam victimarum partes nonnumquam comedisse Pythagoram,

qui animatorum cæteroque eius fere absinebat, alias victimarum partes constanter respunisse. Sciebat enim quarumdam victimæ partium eum ex prescripto Mosis Sacerdotibus concedi. Quamobrem cum Pythagoram ex Columnis Mercurii in Aegypto doctrinam suam hauiisse docet Iamblichus in libro *De mysteriis*, pertinere id utique videtur ad libros Mosis, ut mox ostendam. Atque ex hac Mosaica doctrinæ affectatione factum puto, ut Judæis prognatum cum plerique crediderint, quemadmodum refert Ambrofius in Epitola ad Ireneum. Splendide ergo halucinatur Laertius, cum mirari se ait, quod cum Pythagoras ad Aegyptios, Magos, & Persas veritatis indaganda studio penetrasset, ad Judæos tamen non accesserit, penes quos tunc solos veritas erat, & ad quos facilius ire potuisset. Conceptis enim verbis tradit Porphyrius in vita Pythagoræ, Aegyptios, Arabes, Chaldeos, & Ebraeos ipsum adiisse, ab iisque vaticinandi per somnia scientiam accepisse. Sepissime autem Ebraeis Deum in somnis occulta revelasse, Jacobi, & Josephi probant historia. Quod non pietate promereri, sed arte comparare Ebraeos esse solitos Ethnici arbitrabantur. Alia vero, atque insigniora veritatis monumenta ab illis hausit Pythagoras. Præterea cum inter Aegyptios, ac Persas, tanquam in meditullio positi Judæi ultro citroque commeanti Pythagoræ sese velut obviam darent, vix credibile est apud eos saltem non interjunxisse.

VIII. Anaxagoram de sacris Mosis fluentis Philosophiam suam temperasse, etiam si taceret Theodoretus, satis declarant Diogenes Laertius, & Eusebius, qui ipsum scriptio suæ hoc initium fecisse scribunt: Omnia simul erant, deinde Mens supervenientia ea in ordinem digessit. Idem prius scriptisse Linum narrat quoque Diogenes, qui & Anaxagoram sua vult inde sumisse. Vero: Linum enim ipsum esse Mose suo loco demonstrabimus. Genesim autem Mosis ea sententia exorsus est, ex qua operis sui exordium Anaxagoram expressissime liquet.

IX. Jutinus in Parænesi, postquam à Græcis proditum dixit Judæos ex Aegypto Hellanici, secessisse Mose duce, testem inter alios Hellenicum citat, vetustissimum historicum Mitylenæum. Citarat & Cyrus tanquam Mosis memorem.

X. Suppar illi Charondas, qui Thurinæ civitatem à Sybaritis & Atheniensibus Charonde, recens exstructam legibus temperavit. Is cornutus pingitur in vetustis Nummis, item ut & alii legumlatores, ad exemplum Mosis; nempe ut qui in legum ferendrum munere pares esse studuerant, vultu quoque similes & specie viderentur.

Joseph. libr. 1.
contr. Apion.
Origen. libr. 1.
contr. Cel.
Clem. Alex.
Strom. 1. & 2.
& 1.
Euseb. Præp.
1. 9. & 13.

Grot. De verit.
relig. Chr. 1. 1.
& Annos.

Ambros. Epist.
libr. 3. Ep. 10.

Selden. de DI's
Syr. Synt. 2. c. 1.
Godeff. Wenzel.
Wendel. Dissert. de
Pythagor. Testa.
Plut. De Pla.
cit. Philosoph.
& in Numa.

Ambros. Epist.
libr. 1. Epist. 20.
Laert. Init.
libr. 4. cap. 2.

Anaxagora,
Theodoret. De
cur. Græc. af-
fect. Scrm. 2.
de princ.
Laert. Anaxag.
& Proem.
Euseb. Præp.
libr. 10. c. 14.